

Pesilat Keningau tekad ulangi kejayaan pada Terbuka IPT dan Jemputan UMS

Oleh **JOHAN AZIZ**

johanaziz54@gmail.com

UB 8/10/11 A14

KENINGAU: Seramai 19 orang pesilat-pesilat dari Keningau menyertai Kejohanan Pencak Silat Terbuka Institut Pengajian Tinggi dan Pasukan Jemputan Universiti Malaysia Sabah (UMS) yang diadakan di Dewan Canselor UMS bermula kelmarin hingga 10 Okt ini.

Pasukan Keningau yang muncul juara keseluruhan dalam acara silat dengan mengutip 15 pingat emas dan satu perak dalam Kejohanan Sukan Sabah (Saga V) di daerah ini pada Jun tahun ini akan menyertai semua acara kategori Seni Tari, Silat Olahraga Putera dan Puteri semua kategori yang dipertandingkan.

“Kami mengharapkan dapat mengulangi kejayaan semasa Saga tahun ini,” kata Pengerusi Persatuan Silat

Daerah Keningau, Yahya Ramli kepada Utusan Sukan di sini pada Khamis.

Beliau juga berharap agar para pesilat dapat menunjukkan semangat kesukanan yang baik dengan pesaing-pesaing mereka dan mendapatkanseperabanyak pingat pada kejohanan itu.

“Saya yakin dengan memberikan tumpuan dan komitmen yang tinggi serta bertanding sebagai satu pasukan, sudah tentu pasukan ini dapat mengulangi kejayaan yang dicapai pada Saga pada Jun lalu,” katanya selepas menerima sumbangan daripada Ketua Pemuda Umno Bahagian Keningau, Azman Haji Ruslan.

Sementara itu, Azman yang juga penaung persatuan ini berharap para pesilat dapat memberikan persembahan yang terbaik walaupun tidak menang dalam kejohanan ini.

“Apa yang saya harapkan,

semangat kesukanan dan kepahlawanan itu perlu dijadikan ukuran untuk

mencapai kejayaan dengan menganggap pasukan-pasukan lain sebagai rakan

mereka,” katanya.

Pasukan pesilat Keningau diketuai oleh Yahya, timbalan

pengerusi; Jinli Ramli, pengurus pasukan; Sazali Jundad dan Jurulatih; Fauzan

Zainuddin mengharapkan dapat mencipta kejayaan yang lebih manis dan cemerlang.



SIAP UNTUK BERTANDING ... Pesilat-pesilat dari Keningau yang siap untuk menghadapi pertandingan ini bergambar bersama-sama dengan Azman (berdiri tengah), Yahya (lima kiri) dan ahli-ahli jawatankuasa persatuan pada Khamis.